

Loke ta cumbini MEP no ta mas importante cu husticia

Rudy Croes mester baha pa atende su caso

*Demasiado drama pa dicidi si ta persigue
*Añanan ta pasa sin decision ariba corrupcion of no

ORANJESTAD(AAN)—Buskeda di un forma pa convence comunidad cu Ministerio Publico no ta parcial. Esey ta loke ta resalta den e comunicado, emiti pa Ministerio Publico. Pa Ministerio Publico termina e asunto aki, e solucion ta pa Rudy Croes baha como Ministro pa husticia tuma su rumbo. Cu na e momento aki, bahamento di Rudy cu tabata planea for di formacion di e gobierno aki no ta oportuno pa MEP, no por tin mas peso cu e resultado cu e tin den hacimento di husticia na Aruba. Ora sigui e caso di cuminzamento te awor, ta nota demasiado drama pa dicidi si ta persigui Rudy Croes of no.

E comunicado cu a worde emiti pa Ministerio Publico ayera, ta uno cu ta demostra cuanto drama tin pa e Ministerio Publico dicidi si tin suficiente prueba cu corrupcion a tuma lugar den Ministerio di Husticia.

Asistencia tecnico di Curacao ta loke e Procurador General Interino, cu a bini Aruba den cuadro di asistencia tecnico, a pidi. Mientras e Leynan mas importante di Aruba ta bisa cu ningun ciudadano ta mas cu otro, loke ta implica cu

mescos cu ta persigui otro ciudadanonan y yega na conclusionnan mester por haci cu e Ministro, por nota claramente con cuidadoso ta bay cu e caso aki.

Ta papia di corrupcion den Ministerio di Husticia y no di corrupcion di parti di Ministro di Husticia, cu ya ta duna e caso un otro sentido. Bon mira, e caso di Rudy Croes pa Ministerio Publico ta un batata cayente y ta bira tempo pa yega na un conclusion.

Si pone tur e argumentonan cu ta worde usa pa splica djis algun frase for di e carta bon documenta di Antiyas, por yega na e conclusion cu e unico forma pa e caso aki por worde termina door di Ministerio Publico ta pa Rudy Croes baha como Ministro di Husticia, cu e

entendimiento cu e no ta bolbe mas como Ministro di Husticia y cu ningun persona cu ta directamente relata na Ministerio di Husticia lo bira Ministro na su lugar. Asina, aparentemente, Ministerio Publico por hala rosea y termina e caso, cu a bira un drama legal, mas ainda si mira cu cuanto rapidez a actua contra contrincantenan di Rudy Croes den pasado.

Ehempel clave con ta atende cu politiconan di parti di autoridad, a worde duna na Curacao, caminda algun aña pasa e lider politico mas popular a bay prison, mientras cantidad di politico mester a aparece dilanti Juez. Un Ministro di Antiyas, cu por cierto tabata conoci como uno di e mihor funcionarionan cu Antiyas a conoce ariba tereno di Salud

Publico, pa motibo cu el a gaña den un caso di un auto cu a lease, mester a entrega su posicion y aparece dilanti Huez.

Na varios ocasion Husticia di Antiyas a persigui y condena politiconan y entre otro Claude Wathey, cacique di Sint Maarten, tambe a haya sa cu ora bo comete eror bo no ta eleva riba otronan.


Ta parece cu pa autoridad por haci su trabao, promer cu bay cambia Ley y haci cantidad di gestion cu ta tuma tempo cu no tin, na interes di e pais, Rudy Croes mester tuma su retiro. Cada dia cu e ta Ministro, e proceso pa dicidi si ta persigue of no ta worde alarga.

Ta increibel cu hasta mester bay traha un Ley cu ta bisa cu Gobierno no ta carga

responsabilidad den persecucion penal, manera e comunicado di Ministerio Publico ta sugeri, mientras tin caso Namdar cu ta serio pa atende y termina.

E hecho cu actualmente MEP ta confronta problemanan interno y cu bahamento di Rudy Croes como Ministro lo crea problema pa e partido, hamas por ta mas importante cu habri caminda pa autoridad haci su trabao y ta parece cu mientras Rudy Croes ta na su puesto, esey no por ta e caso. Ta hopi tempo importante di Ministerio Publico ta bay na continuamente saca comunicado pa hustifica loke ta pasa, mientras loke Pueblo segun democracia mester tende ta, kico a pasa por ehempel cu Namdar!

GRASSHOPPER CARWASH!!



BEST DEAL

Tel: 5827100

(Pariba di Aruba Bank, Paradera)

Hopi buki
pa scol.



Cuminsando
Afl. 2,95